

Gamboni ella vischnaunca da Sumvitg

Liber bapuzatorum: Fidel Antoni Mudest Gambun ei naschius ils 14 da fenadur 1802 sco feagl da Christian Joseph Gambun dil Calanca (Gallachensis) e da Maria Margarita de Curtins.

Quei ei gia enconuscent a Vus. Il fatg denton ch' plevon dil liug menziunescha la derivonza da Christian Joseph, munta che *quel* ei immigraus a Sumvitg/Perdomat. Pia ei la dimora dils Gambuns a Sumvitg buca fetg veglia.

Liber matrimoniorum: Petrus Gambun marida ils 15 da november 1827 cun Maria Catrina Schmid. Niev ei cheu il datum dallas nozzas ed il prenum *Pieder*. Damai ch' il prenum el cudisch da battens ei corrects, vegn ei a stractar cheu d' in sbagl. Auters Gambuns han numnadamein buca fatg nozzas a Sumvitg, jeu vai sfegliu quei cudisch da 1820 – 1855.

Il datum dalla mort da Fidel Antoni Mudest Gambun (1871) ei buca purtaus en els cudischs da Sumvitg, habitava el gie da lezzas uras a Tujetsch.

Deplorablamein relattan ils cudischs parochials buca details che savessan sclarir il *Sontgieli*. Jeu less aunc aschuntar ch' jeu sundel buca fruntaus sils Gambuns en mias retschercas dalla historia Sumovitgésa, cun quei ch' els han buca fatg politica. Purs e luvrers han mai fatg gronda canera!

Aluis Maissen